



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 05-2327-7/20
Sarajevo, 10.08.2020. godine

Na osnovu člana 23. stav (1) tačka d) Zakona o Agenciji za bankarstvo FBiH („Službene novine FBiH“, broj: 75/17), člana 16. stav (1) tačka j) Statuta Agencije za bankarstvo Federacije BiH („Službene novine FBiH“, broj: 3/18), člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), član 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuke Komisije za nabavke iz Zapisnika o pregledu i ocjeni ponuda, broj: 05-2327-6/20 od 04.08.2020. godine u postupku javne nabavke konsultantskih usluga, direktor Agencije za bankarstvo Federacije BiH donio je

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj: 05-2327-6/20 od 04.08.2020. godine i ugovor za javnu nabavku konsultantskih usluga za potrebe Agencije za bankarstvo Federacije BiH (u nastavku: Agencija) dodjeljuje se “KONZORCIJUMU EKONOMSKI INSTITUT d.o.o. BANJA LUKA, GRANT THORTON d.o.o. BANJA LUKA i PROFI NOVA d.o.o. BIJELJINA” (u nastavku “KONZORCIJUM EKONOMSKI INSTITUT” d.o.o. Banja Luka) za ponuđenu cijenu od 83.890,00 KM bez uračunatog PDV-a.

Član 2.

Po okončanju roka za žalbu, ugovorni organ će s izabranim ponuđačem zaključiti ugovor, kojim će regulisati međusobna prava i obaveze.

Član 3.

U skladu sa odredbama člana 70. stav (6) Zakona o javnim nabavkama, Agencija će objaviti ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

Član 4.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

O b r a z l o ž e n j e

Odlukom o pokretanju postupka javne nabavke konsultantskih usluga, broj: 05-2327/20 od 01.06.2020. godine, odobreno je provođenje postupka nabavke predmetnih usluga za potrebe Agencije. Javna nabavka je provedena putem otvorenog postupka javne nabavke, a kao kriterij za dodjelu ugovora odabrana je ekonomski najpovoljnija ponuda.

U skladu s odlukom ugovornog organa imenovana je Komisija za nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Slijedom navednog, Komisija za nabavke je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su po predmetnom postupku evidentirane dvije pravovremeno pristigle ponude, i to od strane ponuđača konzorcijum "EKONOMSKI INSTITUT d.o.o. BANJA LUKA" i "PRICEWATERHOUSECOOPERS" d.o.o. Sarajevo Na osnovu izvršene analize i ocjene pristiglih ponuda u pogledu utvrđivanja njihove prihvatljivosti u odnosu na kvalifikacijske uslove utvrđene u tenderskoj dokumentaciji, komisija je utvrdila:

- da je ponuda ponuđača konzorcijum "EKONOMSKI INSTITUT d.o.o. BANJA LUKA" kvalifikovana i prihvatljiva, te da su dostavljeni svi traženi dokazi propisani tenderskom dokumentacijom, na propisan način;
- da se ponuda ponuđača "PRICEWATERHOUSECOOPERS" d.o.o. Sarajevo odbacuje na osnovu člana 68. stav (1) i stav (4) tačka i) Zakona o javnim nabavkama.

Navedeni ponuđač nije ispunio minimalne uslove za kvalifikaciju navedene u:

- poglavlju 3. - Uslovi za kvalifikaciju ponuđača, tačka 3. (Ekonomska i finansijska sposobnost – član 47. Zakona o javnim nabavkama) tenderske dokumentacije, tako što je dostavio potvrdu izdatu od strane „Raiffeisen Bank“ d.d. Sarajevo od dana 18.06.2020. godine s navodima da u navedenoj banci ima otvoren transakcijski račun, koji nije blokiran u periodu od 17.06.2019. godine do 17.06.2020. godine, što je u suprotnosti s zadanim uslovom u navedenoj tački tenderske dokumentacije, kojim je traženo da potvrda mora biti izdata od banke sa navodima da glavni račun ponuđača nije bio blokiran u zadnjih 12 (dvanaest) mjeseci od datuma objave Obavještenja o nabavci (08.06.2020. godine);
- poglavlju 3. Uslovi za kvalifikaciju ponuđača, tačka 4. (Opći uslovi za tehničku i profesionalnu sposobnost – član 48. Zakona o javnim nabavkama) tenderske dokumentacije, iz razloga što je isti kao dokaz o ispunjavanju uslova iz navedenog poglavlja dostavio e-mail komunikaciju između ugovornih strana, koja se kao takva, s obzirom da nije potpisana niti ovjerena od druge ugovorne strane, te je dostavljena na engleskom jeziku (ne predstavlja tiskanu literaturu, brošuru ili katalog), ne može prihvatiti. Dostavljeni dokument je u suprotnosti s zadanim uslovom u navedenoj tački tenderske dokumentacije, kojom je traženo da ponuđač ima uspješno realiziran najmanje jedan ugovor o izradi strateškog plana za banke ili druge finansijske institucije ne stariji od jedne (1) godine od dana objave obavještenja o javnoj nabavci na Portalu javnih nabavki, ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od jedne (1) godine, koji je po obimu i kompleksnosti sličan onome na koji se odnosi predloženi ugovor, a čija je ukupna vrijednost najmanje jednaka procijenjenoj vrijednosti nabavke (85.000,00 KM bez PDV-a).
Potvrda o uredno izvršenom ugovoru mora sadržavati sljedeće podatke:
a) naziv i sjedište ugovornih strana ili privrednih subjekata;
b) predmet ugovora;
c) vrijednost ugovora;
d) vrijeme i mjesto izvršenja ugovora;
e) navode o uredno izvršenim ugovorima.
- U ponudi navedenog ponuđača na stranicama broj: 297, 299, 301 uočene su ispravke vršene korektorom, na način da ispravljeni podaci nisu vidljivi, te ispravka nije potvrđena potpisom i datumom izvršene ispravke, što je u suprotnosti sa članom 18. tačka (m) Uputstva za pripremu modela TD i ponuda.



Tenderskom dokumentacijom definirano je da će se u predmetnom postupku nabavke odabir najpovoljnijeg ponuđača izvršiti primjenom kriterija ekonomski najpovoljnije ponude, uz primjenu niže navedenih potkriterija za vrednovanje ponuda, s relativnim učešćem u ukupnom broju bodova, kako slijedi:

- tehnička ponuda, koja se sastoji od tri elementa (metodologija rada, organizacija rada i plan rada), 85% i
- finansijska ponuda, 15%

Tabelarni pregled - rang lista sa ukupnim ostvarenim bodovima ponuđača za postupak javne nabavke predmetnih usluga putem otvorenog postupka daje se, kako slijedi:

Rb.	Ponuđač	Ukupna cijena bez PDV-a	Broj bodova: Tehnička ponuda	Broj bodova: Finansijska ponuda	Ukupno bodova:
1.	Konzorcijum "EKONOMSKI INSTITUT d.o.o. BANJA LUKA"	83.890,00 KM	85	15	100

Na osnovu svega navedenog, primjenjujući zadani kriterij ekonomski najpovoljnije ponude, vidljivo je da je izabrani ponuđač najbolje ocijenjen na osnovu kumulativne ocjene tehničke i finansijske ponude, pa je komisija dala preporuke da se istom, saglasno članu 69. stav (1) tačka a) Zakona o javnim nabavkama, dodjeli ugovor u predmetnom postupku javne nabavke usluga.

Uvažavajući sve navedeno, primjenom člana 25., člana 64. stav (1) tačka a), člana 70. stavovi (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

DIREKTOR
Jasmin Mahmuzić

Dostaviti:

- svim učesnicima u postupku
- a.a.